

中國歷史地理文獻輯刊

類書類地理文獻集成

第八編

十五

上海交通大學出版社

中國歷史地理文獻輯刊

類書類地理文獻集成

第八編

十五

上海交通大學出版社

類書類地理文獻集成

本冊目錄

類書類地理文獻集成·明代(十)

潛確居類書(二)

一

(明)陳仁錫 輯

潛確居類書(二)

明崇禎年間刻本

潛確居類書卷之十九

史官陳仁錫明卿父纂輯

區宇部十四 諸山

諸山五 湖廣

武昌府 以下

鳳皇山○郡縣志鳳皇山在府城北吳黃龍初夏口鳳皇見因名岑參詩路指鳳皇山外雲衣沾鸚鵡洲邊雨蒲圻通城咸寧俱有鳳皇山

大觀山○大觀山在府城東南千品競秀萬壑爭流其土石亦色如金又名金華山

潛確居類書

卷十九

一

類書類地理
文獻集成

黃鵠山○黃鵠山在府城西南俗呼蛇山一名黃鶴管仙人王子安騎黃鶴憩此又通城亦有黃鶴山相傳葛洪跨鶴所游地○志云黃鵠山蛇行而西吸于江其首隆然黃鶴樓枕焉其下有黃鵠磯石照亭在樓之西臨崖有石如鏡爲西日所照燭然發光

洪山○洪山在江夏舊名東山○茶譜鄂州樂山出茶黑色如韭食之已頭痛

樊山○樊山在武昌下即樊口山產紫石英謝朓詩樊山開廣宴指此○搜神記若大旱以火燒山即

能致雨

虬山○虬山在武昌山陰有龍穴○續搜神紀居人每見神虬飛翔出入旱禱即雨後人築塘其下曰虬塘

武昌山○武昌山在武昌晉時宣城秦精入山採茗遇一毛人長丈餘引精至山曲示以蓋茗歸別探懷中橘遺精精怖負茗而歸○括地志山以縣名武昌其一也

百疋山○百疋山在嘉魚山勢綿延東西二十里如百疋練其下臨江即練子口

潛確居類書

卷十九

二

中國歷史地理
文獻輯刊

秦鐘山○秦鐘山在嘉魚世傳秦時于此鑄鐘其下爲太平湖近歲水涸夜有光怪漁者認其處而掘之得古銅鐘宋秦觀爲弔鐘鐘文

亦壁山○赤壁山在嘉魚大江濱即周瑜破曹操處蘇軾以黃州亦鼻爲赤壁謬

大崖山○九域志大崖山在嘉魚古洞深窅懸崖壁立

鐘臺山○鐘臺山在咸寧上有桃花洞即李邕讀書處石室尚存

龍泉山○龍泉山在崇陽周二百里山有洞好事者

待炬而入行數十步許坦平如室可容千百衆石渠流泉清冽鄉人號曰魯溪岩產茶甚其美

鍾山○鍾山在興國上有鍾繇墨池

闔閭山○郡縣志闔閭山在興國世傳伍子胥屯兵于此

大坡山○大坡山在興國傍有石樓嶄然拔出衆峯諸里人亦于此造茶名坡山鳳髓

犀牛山○犀牛山在州北有石臺砥平如掌相傳有仙姑經此化爲犀牛之蹟

西門山○西門山在興國其山中有臺亦名仙女堂

潛確居類書

卷十九

三

類書類地理
文獻集成

晉有三小鬟至此問津望其臺而入竟不復見

荆山○荆山在州城北相傳有人于洞中獲一杖非石非玉非木非竹忽一日有道人來取遂不見輿

地紀勝以爲卞和泣玉之所悲謫

礪山○礪山在大冶磁湖山側昔蘇子由阻風于此

有寄于瞻詩仍欲買山隱焉

西塞山○括地志西塞山在大冶係策擊黃祖于此張志和漁父辭西塞山前白鷺飛桃花流水鰕魚

肥

白雉山○白雉山在大冶上有芙蓉峰

白羊山○志白羊山在通山晉時有三人乘白羊入

此山故名至今每有白羊見于山上則雲雨興

九宮山○九宮山在通山晉安王兄弟九人造九宮于此又云自下而上高峰九層故名

漢陽府

大別山○一統志大別山在府城東北禹貢內方至于大別即此一名翼際山上有魯肅祠又名魯山

山之陰有鎖穴即孫皓以鎖鎖截江處

漢陰山○漢陰山在府城西漢水之北一名馬鞍山

臨嶂山○臨嶂山在府西晉於山下置沌陽縣宋末

潛確居類書

卷十九

四

中國歷史地理
文獻輯刊

德安府遷治此

陽臺山○陽臺山在漢川上有神女廟宋玉賦高唐于此

小別山○小別山在漢川又名甌山

黃州府

聚寶山○聚寶山在府治北山多小石日照之紅黃

燦然蘇軾作佐石供即此

赤壁山○赤壁山在府城西北舊名赤嶺山屹立江

濱截然如壁

崎山○崎山在府城北有大崎小崎並奇秀

五雲山○郡邑志五雲山在黃安有仰天窩最爲險絕從龍霞舉僅通一線平田千頃可畔其中游者以爲不減桃源云

仙居山○神仙傳仙居山在黃安昔有神仙居之埵窺依然人跡罕及

天臺山○方域志天臺山在黃安其頂廣夷可容千家以牛耳崖爲北門梯之乃達

玉臺山○玉臺山在蘄水張道陵自蜀還修煉于此丹井尚存

木陵山○木陵山在麻城樹木茂密岡陵巒然爲一

潛確居類書

卷十九

五

類書類地理
文獻集成

邑之望

魯臺山○魯臺山在黃坡二程子讀書處

白雲山○輿地攷白雲山在蘄州自旦及暮常有白雲繚繞其上隋時建塔寺焉嘗開泮湖得入定僧二員遣使送至蘄州白雲山并召之二僧遂入古井中隱沒

四流山○四流山在蘄州山嶺迤邐水有南流者西流者俱入蘄水縣界北流者入黃州霍山縣界東流者入安慶府太湖縣界故名四流

盤龍山○盤龍山在蘄州上有石鼓院麻衣道者盤

蔡禪師三真身在焉

五祖山○五祖山在黃梅一名馮茂山即五祖大滿禪師道場山頂有池生白蓮又名蓮峰

四祖山○四祖山在黃梅一名破額山即四祖大醫禪師道場上有香爐峰慈雲塔

明水山○明水山在廣濟上有龍潭飛瀑奇絕

積布山○名山志積布山在廣濟下臨大江巨石森立形如積布即水經注所云積布磯也

鄖陽府

龍門山○一統志龍門山在府城東西崖對峙如門

潛確居類書

卷十九

六

中國歷史地理
文獻輯刊

中可通楫

錫義山○錫義山在鄖縣一名天心山○道書福地記天心之山方員百里四面有門上有石壇長十餘丈世傳列仙所居山高谷深多生薇蕨其草有風不輒無風猷搖○輿地記勝天柱山在縣錫義鄉山之左有峰狀如天柱上有三石門內有飛仙一日三朝○按志錫義山距西百八十里周圍百里支脈入城內外

天馬山○天馬山在府城南又里許爲寶蓋山俱臨漢水

景山○景山在房縣○山海經荆山之首曰景山鴻

雁南飛北歸偏經其上土人因名爲雁塞山○襄

宇記房陵有三十五溪三十四山此其發源處也

定山○定山在房縣記云房陵定山有朱仲子園三

十六所

房山○房山在房縣四面有石室如房

倉樂山○倉樂山在竹山管有邑人徐元周積粟于

此賑飢鄉人德之故名

女媧山○九域志女媧山在竹山相傳女媧煉石補

天處

潛確居類書

卷十九

七

類書類地理
文獻集成

方城山○方城山在竹山四面險固山南有城周十

餘里

襄陽府

峴山○襄陽記峴山在府城南上有漢武廟羊祜碑

祜鎮襄陽時嘗登此置酒領從事鄭湛曰自有宇

宙便有此山賢哲游者多矣昔潭渚無開洪對曰

公德業聞望當與此山俱傳祜歿襄人刻碑其上

見者莫不墮淚杜預因名墮淚碑

萬山○襄陽記萬山在府城西相傳鄭交甫所見游

女居此山之下

居

隆中山○輿地志隆中山在府城北下即諸葛亮隱

襄山○名山志襄山在府城西○釋文襄上楚俗之

人凡水駕山而下者皆謂之襄也

虎頭山○虎頭山在府城南其上有漢昭烈濯筆池

○金史元水駐馬此山指白河口曰若築壘其中

襄陽糧道可斷後遂築鹿門新城等堡

龜山○括地志龜山在府城北山上有嶽嶽石襄人

三月三日來遊臥擦其上謂可免災患山麓有劉

先主亭

潛確居類書

卷十九

八

中國歷史地理
文獻輯刊

望楚山○望楚山在府城北舊有三名曰楚山馬鞍

山英山○圖經秦與齊韓魏攻楚方城秦軍登山

以望楚故名○水經注山臨鴨湖湖在馬鞍山東

北武陵王愛其峰秀改曰望楚舊傳晉陶弘山簡

九日嘗于此登高

鹿門山○名山志鹿門山在府城東南舊名蘇嶺山

光武同侍中習郁幸黎丘夢蘇嶺山神來見因命

郁立祠山上刻二石鹿夾道左故名鹿門○漢龐

德公唐龐蘊孟浩然皮日休俱隱于此

馬窟山○九域志馬窟山在光化中有石窟漢時有

馬出此窟。吳陸遜攻襄陽過之。窟中亦有數十匹馬出。詳馬類。

赤山○赤山在空城。土石皆赤。下有深潭。相傳呂望嘗釣此。

玉溪山○玉溪山在南漳縣。其峰高峻。有溪水聲淙淙如玉佩故名。

荆山○荆山在南漳。三面險絕。惟西南一隅通人徑。○山海經其陽多鉄。其陰多赤金。山上有池。傍有石室。相傳爲卞和宅。上有抱玉崑。今鳳陽府亦有此山。

甘泉山○甘泉山在襄陽。地肥而水井故名。

薤山○薤山在穀城。上有孤竹三莖。三年生一筍。笋就竹枯。代謝不已。襄陽謂之剪山。雲起必雨。

太和山○輿地紀太和山在均州。初名太岳。又名仙室。又名叅上山。真武奉元君之言游覽至此。更名太和。後人謂非玄武不足以當。又更名武當山。上有二十七峰。三十六岩。二十四澗。其峰最高者曰天柱。曰紫霄。

另詳卷十五

石階山○石階山在太和山中。一名華岳地肺。產菽

窮妙。冬夏不枯。月食三寸可辟殺。

女思山○女思山在均州。漢來欽曾孫女嫁爲河內張德子婦。隨夫還至此山。南望父母。思慕而死。遂葬于此。

承天府

象山○象山在府城北。仙潭口。兩山對峙。若二獸踞水中。爲郡城之鎮。稱奇勝云。

花山○花山在府城東。舊傳靈濟祖師過此。百草皆花。

內方山○內方山在鍾祥。漢江上。即禹貢所謂內方也。一名章山。一名馬仙山。唐司馬子微煉丹于此。

山

京源山○京源山在京山。山闕下舊有石刻以崖枯草莖瘦。水清魚影寒。爲韻。今被塗火所燬。

大洪山○大洪山在京山。上多異蹟。東安鄂西襄郢南江漢。一覽可盡。

天門山○天門山在京山。一名火門山。世傳光武行兵。舉火夜渡。此山因名。陸羽傳負書火門山。從鄒夫子學。即此。後因俗忘火字。改今名。

靈鷲山○靈鷲山在荊門州。山有龍洞。深五里。春月水流如鐘。鼓管籥之聲。宋熙寧中山泉溢有鬆器。

軼車流出誌字曰嘉州益泉與蜀通也

蒙山○蒙山在荆門兩峰對起如蛾眉上有浮香漱

玉諸亭爲游憩之所山麓二泉北曰蒙南曰惠

荆門山○荆門山在荆門即楚西塞

紫蓋山○紫蓋山在當陽道書三十三洞天有南北

二峰頂上四垂若繖林石皆紺色下出綵水厥味

甘馨每遇晦日軒有金牛山食光照一山漢劉綱

夫婦上升于此山有五帝仙祠并葛洪煉丹井又

名倒板井

玉泉山○玉泉山在當陽色白而瑩又曰珠泉泉南

潛確居類書

卷十九

十一

類書類地理
文獻集成

爲天台智者道場即關帝遣鬼工所造○按晉郭

璞遊仙詩序謂此泉潛行九萬八千里通天竺注

震旦者也○唐李白詩自序云玉泉寺中有白蟬

蟬大如鴉栖則倒懸飲乳水謂之乳窟又有仙人

掌茶出于玉泉山巔羅生枝葉類碧玉其杖如掌

清香异他茗蓋發乎中孚禪子及青蓮居士李太

白云

五華山○五華山在景陵相傳伏羲後封此

德安府

章山○章山在府城東舊志豫章即今章山李白流

夜郎有寄內詩云南來不得豫章書謂此

白兆山○白兆山在府城西上有妙濟法師寫經臺

及飛仙洞

陪尾山○陪尾山在府城東北俗呼橫山

石岩山○石岩山在府城南晉張昌作亂于此山織

竹爲鳳衣以五彩聚肉其傍而集百鳥詐言鳳凰

降因僞建元神鳳

京山○京山在應城山有溫泉澤中深淨如鑑間人

發則湯沸可以煇鷄

葛藤山○葛藤山在雲夢上產葛根

潛確居類書

卷十九

十二

中國歷史地理
文獻輯刊

大悟山○大悟山在孝感唐太和元年有僧法信自

五臺山來此一日爲民祈雨引利刀截右膝復截

左膝弟子奔持其刀白乳流出師遂涅槃其手至

今藏于佛殿宋慶曆中賜號靈濟大師

九峻山○九峻山在孝感又名九宗盤踞深林大溪

橫繞

厲山○厲山在隨州禮記祭法云厲山氏之有天下

也其子曰農能植百穀註厲山氏炎帝也荆州記

山有二穴神農生此遂即此地爲神農社伏臘記

之

大洪山○寰宇記大洪山在隨州四面陡險絕頂有大湖靖康間土人避亂于此相傳爲慈忍盧尊者道場

驢泉山○驢泉山在隨州山上有池大旱不涸昔有神驢出其中○荊州記驢泉山石兩潤牛馬經過貪其味甘不能去土人牛馬解逸即于此山尋之

獲弩山○晏公類要獲弩山在隨州山有此獸昔人射彼不中弄弩而去故名獲弩

應山○輿地紀勝應山在應山縣以此名東南有應臺山山當縣治頂平如印又名印臺

潛確居類書 卷十九 十三 類書類地理 文獻集成

洞庭山○郡縣志洞庭山在應山中有一穴深不可測

吉山○吉山在應山有南吉北吉山之陽即古吉陽縣也

三鐘山○輿地廣記三鐘山應山治之西山有三堆如鐘之垂俗名團山有五色石如龍形自山上蟠屈至于澗底○荊州記永陽縣石龍山出石斛如金釵

鷄頭山○鷄頭山在應山有二山遙相向如鷄欲闔之狀

荊州府

龍山○龍山在府城西北桓溫九月燕此風吹孟嘉帽落嘉不覺溫令孫盛作文嘲之嘉應聲而答四坐歎賞

紀山○紀山在府城北州之鎮山也

西山○西山在江陵縣城西○晉王子猷爲桓溫參軍以手板柱頰云西山朝來致有爽氣

石首山○石首山在石首大江中有石孤立在北山之首縣以此名

繡林山○郡國志繡林山在石首舊名岐陽山上有

潛確居類書 卷十九 十四 中國歷史地理 文獻輯刊

亭曰繡林亭相傳昭烈常泊舟江北孫夫人于此望之亦名望夫山又北有劉郎浦即先主迎婚處杜甫詩掛帆早簇劉郎浦是也

龍蓋山○輿地記龍蓋山在石首邑之主山也

竺園山○郡縣志竺園山在松滋隋開皇歲有西方僧過此指謂人曰此山似吾舍衛國竺園因以名之

石瓦山○寰宇記石瓦山在松滋山形鱗次似瓦故名

九岡山○一統志九岡山在松滋上有亭爲一邑勝

覽

郭道山○郭道山在夷陵州昔郭景純結廬于此其基尚存有一井之鐘又名爲道山相傳爲葛稚川修煉處

黃牛山○名山志黃牛山在夷陵州山上有廟曰黃陵廟相傳山神佐禹治水有功故爲立廟諸葛亮有記重嶺峻絕加以江湍紆迴行者謠曰朝發黃牛暮宿黃牛三朝三暮黃牛如故

鳳皇山○九域志鳳皇山在遠安章阜作今時鳳集于此

潛確居類書

卷十九

十五

類書類地理
文獻集成

鹿溪山○鹿溪山在遠安梁居士陸法和云著脚名山多矣未有如鹿溪幽邃者遂栖隱焉

虎牙山○虎牙山在宜都大江北岸狀如虎牙昔公孫述遣將依此作浮橋拒漢下有虎牙灘又名武牙

神魚山○神魚山在宜都山谷之中有石穴穴出清泉有神魚犬者二尺小者一尺釣者先陳所須多少拜而請之數滿便止水側有昇果欲摘請亦如魚

丹山○宜都記丹山在宜都時有赤氣籠井又有石

鵝在仙室山西連于丹山

方山○方山在長陽四面俱方有風穴口大如甕夏則風出冬則風入春秋分則靜

龍角山○方域志龍角山在長陽山穴內有陰陽二石陰石常溼陽石常燥旱輒陰石則雨潦輒陽石則晴

武落鍾山○寰宇記武落鍾山在長陽一名難留山本廩君所出處世本云廩君之先故出巫蜚落鍾山石穴中有二所其一色赤其一色黑如丹漆狀廩君出于赤穴餘姓亦出于黑穴廩君曰務相姓

潛確居類書

卷十九

十六

中國歷史地理
文獻輯刊

巴氏與樊氏瞿氏相氏鄭氏五姓俱出未有君長因約以劍刺石壁著者立爲君長廩君與五姓皆往刺獨廩君劍着而懸于穴屋因立爲君○盛弘之荊州記難留山北有石室可容數百人嶮不可攻因名爲難留城

楚臺山○楚臺山在歸州楚襄王建臺其上

螺金螺玉○螺金螺玉二山在興山形如螺髻色象金玉故名

石門山○石門山在巴東山有石徑深若重門劉備爲陸遜兵追急遁此

巴山○巴山在巴東又名金字山一峰分三岡脈而下形如金字縣治依之

岳州府

白鶴山○寰宇記白鶴山在府城南上有鶴寺其陽有兩池相傳內潛巨蟒呂公招山化為劍又有江叟者嘗遇樵夫遺以鍊笛吹之無聲一日登此吹于紫荆臺響震林谷忽見兩女子出投藥云服之當為水仙女子蓋龍女也○風土記白鶴僧園茶極類北苑所出每歲不過一二十兩味極甘香七人謂之白鶴茶

潛確居類書

卷十九

十七

類書類地理
文獻集成

君山○君山在府城西南洞庭湖中其狀若十二螺髻唐陶雍詩一螺青黛鏡中心宋黃庭堅詩綰結湘娥十二環即此山也○山海經洞庭之山帝之二女居之以湘君所遊故曰君山○道書為第十一福地昔秦始皇南遊浮江遇大風而怒湘君命諸其山○風土記君山虎洞石穴春秋水漲即沒水落即現朝廷嘗遣使投龍于此上又有筌馬數十匹蓋晉時所逸馬歲久滋生山多古木少草夏秋食木皮多餓死故其數不充廣○山海經君山有石穴潛通吳之包山即郭景純所謂巴陵地道

酒香山○湘州志酒香山在君山上其美酒數斗飲者即仙漢武遣樂巴來求果得酒東方朔竊飲之帝欲殺朔曰酒有驗即殺臣臣不死臣飲酒亦不驗遂赦朔

巴丘山○一統志巴丘山在府城南昇屠巴蛇于洞庭積骨為丘故名

烏石山○烏石山在府城東南下有石墨溪○風土記云溪邊有石如墨咽之可愈喉膈之疾或云亦可代墨作書

大雲山○大雲山在臨湘盤旋七十餘峰

潛確居類書

卷十九

十八

中國歷史地理
文獻輯刊

魚梁山○九域志魚梁山在臨湘治南山下有湖產魚特美

昌江山○昌江山在平江石崖壁立有篆文云夏禹治水嘗至于此有芙蓉池金線洞飛仙石溫泉石壇又有海棠仙人二洞道書以為第二十五洞天艾真人所居一名幕阜山一名天岳一名天桂一名雷臺一名莫府山高千平地一千八百丈周迴五百里二十四氣福德之鄉遇洪水為穴居其上可以度世有列仙寶壇其傍古竹二本修翠猗然隨風掃拂絕頂有石田數十畝渠隱然非人力

所能治山無穢草惟杞與芳芎之屬

梅仙山○梅仙山在平江昌江山之麓梅子真隱處

有井曰子真井泉水出焉謂之梅仙水

永寧山○岳陽志永寧山在平江其山四壁如削倚

以雲梯續以飛樓而後可躋其端沃衍可耕土中
時有所戈朽鏃

玄石山○玄石山在華容墨山北楚辭馳余車于玄
石即此

玉猴山○輿地紀勝玉猴山在容華界山出胡孫其
色白故名

潛確居類書

卷十九

十九

類書類地理
文獻集成

石門山○石門山在華容上有七峰甚峻晉張真人

煉丹于此

東山○東山在華容峰巒秀麗連亘百餘里古松夾

道驛路經其中

方臺山○方臺山在華容上產雲母石土人候雲氣

所出插之往往有長數尺可爲屏者

太清山○太清山在澧州上有五老峰乃李陽發得

道處

大浮山○大浮山在澧州南一名獨浮山跨石門武

陵桃源三縣界谷中有石室戶牖自然虛明上有

青玉壇方廣三丈自非精誠之士終莫能登又有

丹竈白鹿池十八洞相傳浮丘子學道之所

紫和山○紫和山在石門山有存志觀皮子藥爐及

仙女洞相傳丁令威煉丹之所

黃石山○黃石山在石門有溪出雄黃

赤松山○赤松山在慈利與天門山對峙赤松子嘗

隱此下有赤松村

門山○天門山在慈利凡十六峰最高者曰天門

天門四向各有一竹倒垂下梯俗名天帝

黃山○黃山在安鄉土石皆黃一名金華山上有謝

潛確居類書

卷十九

二十

中國歷史地理
文獻輯刊

晦庵又名謝山

長沙府

羅洋山○羅洋山在府城北一名大富山峯巒秀拔

江水縈帶郡之勝地也

雲母山○雲母山在府城西北山多紫氣產雲母石

○列仙傳長沙雲母服之長生

嶽鹿山○嶽鹿山在善化即衡山七十二峯之一○

志云南岳周八百里回雁爲首嶽鹿爲足

昭山○荆楚記昭山在善化舊傳周穆王南征不返

因没于此其下有潭深不可測諺云昭潭無底橋

洲浮

壺山○壺山在湘潭頂有巨石狀如壺

黃陵山○黃陵山在湘陰二妃墓在山上其廟曰黃陵廟

磊石山○九域志磊石山在湘陰傍青草湖下臨湘口北接巴陵一名五木山山頂尖如五木故以名之

玉笥山○一統志玉笥山在湘陰屈潭之左屈原放逐桡此作九歌

大瀉山○寰宇志大瀉山在寧鄉周一百四十里草

潛確居類書

卷十九

二十一 類書類地理
文獻集成

木幽深易獸羣聚瀉水山焉唐裴休葬此

飛鳳山○名山志飛鳳山在寧鄉一峯突起如鳳首左右有山如翼儒學建此

香林山○香林山在寧鄉山產旃檀香故名

玉几山○玉几山在寧鄉山勢環抱如几案焉

雲峰山○雲峰山在寧鄉山高數百仞登其巔望湘江如咫尺

天馬山○天馬山在寧鄉其山高入雲漢如天馬之騰驤

太湖山○太湖山在瀏陽三峯鼎峙中有巨湖其深

莫測

首裨山○首裨山在瀏陽一名大圍山頂有白沙湖

廣五十餘里流分四派一為瀏水其三入岳之平江豫章之分寧袁之萬載兩縣盤踞四縣

洞陽山○洞陽山在瀏陽道書第二十四洞天唐孫思邈煉丹處

道吾山○道吾山在瀏陽山列七十一峰東連寶蓋西接洞陽狀若蓮花又名蓮花峯崖溜高百餘丈徑路二十四曲內有龍湫

芙蓉山○芙蓉山在安化奇峰疊秀狀若芙蓉中有

潛確居類書

卷十九

二十二 中國歷史地理
文獻輯刊

芙蓉洞

五鳳山○郡國志五鳳山在醴陵山形類五鳳上有天花臺

章仙山○括地志章仙山在醴陵一名彰龍山道書七十二洞天之一世傳臧真人得道處後訛臧為章

浮丘山○浮丘山在益陽峰巒倚伏亞于南嶽山頂有石亭劉宋時浮丘子煉丹處

白鹿山○白鹿山在益陽上有龍湫蒼崖古木掩映唐裴休講道于此白鹿銜花而出

韶山○韶山在湘鄉上有三峰相傳韶氏三女昇仙處廣袤百餘里

司空山○司空山在攸縣與雲陽山接左右有三十六峰舊名麒麟山亦名溫泉山南齊司空張岳弃官隱此因改今名又十五里爲紫嶽峰漢晉之世有葛蘇三仙跨紫麟入此山不見後人或遇紫麟游食山中故名即司空山三十六峰之一也

雲陽山○雲陽山在茶陵州上有七十一峰湘中記雲陽之墟可以避世

寶慶府

潛確居類書

卷十九

二十三

類書類地理
文獻集成

東山○東山在府城東四面環翠周茂叔建書院其上舊有興國寺寺後有法華臺無量佛所遺袈裟尚存游人時得觀之

洛陽山○一統志洛陽山在府城東北上有石室幽邃唐中泰芝來自洛陽修道于此因以名山濱邵二水合于其下

余湖山○九州要記余湖山在府城東南山頂有臺臺則有石如懸几祈禱之人視水自懸石滴下旋雨以爲驗

文竹山○文竹山在府城東南有石床四面修竹扶

踈隨風委拂皆神仙壑宅也

龍山○龍山在府城東秀峰四出望之面面相類頂有龍池泉分二派一入湘鄉爲連水一入邵陽爲邵水

高霞山○高霞山在府城南唐李真人飛昇處

黎山○黎山在新化山麓有岩湧泉每日三潮起數尺不爽

文仙山○文仙山在新化山有三峯石壁峭絕半山間有石室拔地五丈天生石梁可陟而登傍有龍池丹竈又有石床高一丈四尺茂林修竹蔽蔭左

潛確居類書

卷十九

二十四

中國歷史地理
文獻輯刊

右乃晉高平令文斤修煉之所

武岡山○武岡山在武岡州二岡左右對峙州以此名即柳公綽招降溪蠻處

都梁山○都梁山在武岡州東漢以此名縣史記武帝元朔二年封長沙定王子遂爲都梁侯者也縣西有小山山上有淳水既清且淺悉生蘭草綠葉紫莖芳風藻川蘭馨遠馥俗謂蘭爲都梁山因以號縣受名焉

寶方山○寶方山在武岡州南一名濱勝山有岩洞八所曰楠真上扉太保朝陽迎陽芙蓉隱山花乳

其中有龍甲神像皆滴乳所成又其傍有古山瀑布懸流數十丈

雲山○雲山在武岡州南山有七十二峯道書以謂第六十九福地中有日華山月華山杏花塢投龍洞猿勝水道者岩侯公洞世傳秦始皇遣盧生入海求仙藥不獲遂與侯生隱于此山今有侯仙跡盧仙影煉丹井飛昇臺掃壇竹品勝

楓門山○楓門山在武岡州西夕陽射影江村激映秋深氣肅楓樹蕭疎遊人咸指爲世外

金城山○金城山在武岡州道書第六十八福地石

潛確居類書

卷十九

二十五

類書類地理
文獻集成

真人修煉于此題曰仙都

紫陽山○紫陽山在武岡州上有寧記云雷霆鬼神之所鑒非人力可就也

辰州府

小西山○郡國志小西山在府城東又名烏連山在西溪口○方輿記山下有石穴中有書千卷舊云秦人避地隱學于此耆老相傳堯唐張果老皆嘗隱于此又名爲大西華妙洞天或云自西溪西北行十餘里有洞與大西山相連○唐瞿栢廷兒時戲躍入井忽自華妙洞中出已去縣四十餘

里

光明山○郡邑志光明山在府城西一名龍門有丹砂井夜半光明燭天其下有龍瓜崖亦以形似而名

怡客山○怡客山在府城東南峰巒奇秀晴日橫空紫翠重疊足供騷人韻士之賞

崇山○崇山在鎮溪千戶所西蜿蜒高峻山頂瀑布聲聞如雷○書云放驩堯于崇山即此

武山○武山在盧溪昔高辛氏有大戎之患乃募能得大戎吳將軍頭者賜金千鎰邑萬家妻以少女

潛確居類書

卷十九

二十六

中國歷史地理
文獻輯刊

時帝有畜太名曰槃瓠遂入山銜一人首至果吳將軍也帝大喜第謂槃瓠畜類不可妻且不可封少女以爲信不可未因請行帝不得已從之踰三年生六男六女今長沙武陵蠻是也

桃花山○桃花山在澈浦一名華蓋山昔人嘗種桃千樹至今呼桃花園有警可守望

五城山○五城山在辰溪楚威王使將軍莊蹻定黔中因山築城

大西山○大西山在辰溪自銅仁萬山中來至當縣西結向爲大山山下有洞名大西洞深廣二里石符